



**CONVENIO DE COLABORACIÓN ENTRE A SECRETARÍA XERAL PARA O DEPORTE E A
FEDERACIÓN GALEGA DE AUTOMOBILISMO PARA A ORGANIZACIÓN DOS CAMPIONATOS
GALEGOS DE RALLYS NO ANO 2017**

En Santiago de Compostela a 24 de xullo de 2017

REUNIDOS

Marta Míguez Telle, secretaria xeral para o Deporte da Xunta de Galicia, en uso das competencias desconcentradas nos secretarios xerais dependentes da Presidencia, e en virtude da disposición adicional segunda do Decreto 88/2013, do 30 de maio, de estrutura orgánica dos órganos superiores e de dirección dependentes da Presidencia da Xunta de Galicia.

Iván Corral Pérez, presidente da Federación Galega de Automobilismo, no seu nome e representación, en exercicio das facultades atribuídas para o efecto polos seus estatutos federativos.

EXPOÑEN

- I. Conforme ao establecido no Estatuto de Autonomía de Galicia, a Comunidade Autónoma de Galicia asume a competencia exclusiva na materia da promoción do deporte (artigo 27.22), correspondéndolle á Secretaría Xeral para o Deporte as competencias de elaboración, proposta e execución da política do goberno galego en materia de deportes, conforme ao establecido no artigo 5 do *Decreto 88/2013, do 30 de maio*.
- II. A *Lei 3/2012, do 2 de abril, do deporte de Galicia* regula no seu artigo 51.1 as federacións deportivas galegas, configurándose estas como entidades privadas sen ánimo de lucro con personalidade xurídica propia e plena capacidade de obrar, cuxo ámbito de actuación se estende ao territorio da Comunidade Autónoma de Galicia.
- III. Segundo o establecido na *Lei 3/2012, do 2 de abril*, só se pode recoñecer unha federación deportiva por cada modalidade deportiva (art. 51.5), exercitando cada unha delas en réxime de exclusividade, ademais das funcións que son propias do seu ámbito privado, as funcións públicas delegadas no artigo 56.4 da norma, actuando neste caso como axentes colaboradores da Administración (art. 51.4).
- IV. Neste marco das funcións federativas, é pretensión da Xunta de Galicia, a través da Secretaría Xeral para o Deporte, subscribir o presente convenio de colaboración coa Federación Galega de Automobilismo para a organización no ano 2017 dos rallys detallados na ficha I do convenio (rallys, montaña e rallymix).
- V. Para tal efecto, as partes subscriben o presente convenio que se suxeitará ás seguintes

CLÁUSULAS

Primeira.- Obxecto do convenio.

O obxecto do presente convenio é establecer, para o ano 2017, as bases da colaboración deportiva e económica entre a Secretaría Xeral para o Deporte e a Federación Galega de Automobilismo, ao fin da realización por esta de actuacións, funcións e cometidos que, conforme á *Lei 3/2012, de 2 de abril*, asume en réxime de exclusividade, segundo se indica no artigo 56 e concordantes da norma.



Con este convenio, a Secretaría xeral para o Deporte colaborará cos gastos ocasionados con motivo da realización, no ano 2017, dos rallys detallados na ficha I (rallys, montaña e rallymix).

Segunda.- Réxime xurídico e titularidade das competencias

O presente convenio é de natureza administrativa e consecuentemente, as cuestións litixiosas que xurdan na súa aplicación, interpretación e cumprimento serán competencia da xurisdición contencioso-administrativa.

A súa normativa específica está constituída basicamente pola Lei 38/2003, do 17 de novembro, xeral de subvencións, e o seu Regulamento, aprobado polo Real decreto 887/2006, do 21 de xullo, nos seus preceptos declarados básicos, así como pola Lei 9/2007, do 13 de xuño, de subvencións de Galicia, e o seu Regulamento aprobado polo Decreto 11/2009, do 8 de xaneiro.

Este convenio está suxeito ás obrigas de publicidade impostas polo artigo 15 da Lei 1/2016, de 18 de xaneiro, de transparencia e bo goberno.

Terceira.- Financiamento e importe da axuda.

3.1. Ao fin de cumprir o establecido na cláusula primeira, a Secretaría Xeral para o Deporte concédelle á Federación Galega de Automobilismo unha subvención por un importe máximo de cento tres mil cincocentos euros, (103.500,00€), imputables á aplicación orzamentaria e anualidade que de seguido se identifican:

04.40.441A.481.0.

Anualidade 2017

3.2. O importe anterior destinarase ás distintas probas deportivas que se recollen e identifican na ficha I do presente convenio.

3.3. No suposto de que a federación presente unha renuncia expresa por imposibilidade de realización dalgunha actividade recollida no convenio, a contía asignada a tal actividade será subtraída da contía resultante para o segundo pagamento, a non ser que a federación solicite a realización doutra actividade de características similares e lle sexa expresamente concedida pola Secretaría Xeral para o Deporte, en cuxo caso se mantería a contía da subvención.

Cuarta.- Concorrencia con outras axudas.

Esta subvención é compatible con outras subvencións e axudas, públicas ou privadas, que poida acadar a federación para a realización das actuacións obxecto do convenio, sempre que a suma de todas as subvencións e axudas non superen os gastos asumidos pola federación con motivo das actuacións obxecto da subvención.

Quinta.- Obrigas da federación.

5.1. Xunto ás obrigas legais que se deriven dos ámbitos materiais das subvencións, contratación e outros que lles sexan de aplicación, así como as demais establecidas neste convenio, son obrigas da federación o cumprimento dos seus termos así como da normativa reguladora de subvencións, particularmente o establecido no artigo 11 da Lei 9/2007 do 13 de xuño, e nos artigos correspondentes do decreto 11/2009, do 8 de xaneiro





5.2. Executar o obxecto do presente convenio, para o cal a Federación Galega de Automobilismo terá a obriga de asinar un convenio de colaboración con cada un dos organizadores das probas ás que se destina a subvención, polo importe establecido na ficha I, no que se estableza que polo menos un 50% do importe total da subvención recibida por cada escudería debe ser destinada á seguridade na proba.

5.3. Para a sinatura, seguimento e control do convenio, é requisito indispensable a presentación da seguinte documentación :

a) Anexo I.- Documento de solicitude para a firma do convenio, onde se atopa recollido entre outros o seguinte:

- Declaración responsable doutras subvencións ou axudas concedidas ou solicitadas para a mesma finalidade, procedentes doutras administracións ou de entes públicos, ou privados, nacionais, da UE, ou de organismos internacionais.

- Declaración responsable de non atoparse incurso en ningunha das circunstancias previstas no artigo 13 da Lei 38/2003, do 17 de novembro.

- Declaración responsable de non atoparse incurso en ningunha das causas de prohibición para obter a condición de beneficiario recollidas no artigo 10 da Lei 9/2007, do 13 de xuño, e demais normativas concordantes.

- Declaración responsable de estar ao día no pagamento de obrigas por reintegro de subvencións, conforme ao artigo 10.2.g da Lei 9/2007, do 13 de xuño, e o artigo 9 do Regulamento de subvencións de Galicia, aprobado polo Decreto 11/2009, do 8 de xaneiro.

- Declaración de estar cumprindo coa Resolución do 8 de setembro de 2009, da Secretaría Xeral para o Deporte, pola que se ditan as normas de bo goberno das federacións deportivas de Galicia.

- Certificación de estar cumprindo, así como manter durante todo o período de vixencia do convenio, o establecido na Lei 19/2013, de 9 de decembro, de transparencia, acceso á información pública e bo goberno e na Lei 1/2016, do 18 de xaneiro.

- Declaración de que todas as persoas vinculadas á federación con motivo do desenvolvemento do convenio no ano 2017 que estean en contacto con menores, están en posesión do certificado negativo do Rexistro Central de Delinquentes Sexuais (en cumprimento do artigo 13 da Lei orgánica 1/1996 do 15 de xaneiro, de protección xurídica do menor, modificado pola Lei 26/2015 do 28 de xullo, de modificación do sistema de protección á infancia e á adolescencia).

- Declaración de adhesión ao manifesto pola igualdade no deporte asinado entre a Secretaría Xeral para o Deporte e a Secretaría Xeral de Igualdade.

- Declaración responsable dos datos da conta bancaria onde se efectuarán os pagamentos.

b) Anexo III.- Relación de documentos e declaracións para o cobro do 2º anticipo.

c) Anexo IV.- Relación clasificada dos gastos e investimentos realizados.

d) Memoria económica explicativa de cada un dos gastos presentados nesta xustificación.

e) Anexo V.- Relación de documentos e declaracións para a xustificación do segundo pago.



f) Anexo VI.- Certificación de estar cumprindo, así como manter durante todo o período de vixencia do convenio, o establecido na Lei 19/2013, do 9 de decembro, na Lei 1/2016, do 18 de xaneiro, a través da inclusión na web federativa da totalidade desta información.

g) Facturas do gasto incorrido, así como os documentos bancarios acreditativos do seu pago.

h) Acreditación do cumprimento da aplicación pública da imaxe corporativa da Secretaría Xeral para o Deporte, mediante a presentación da documentación gráfica correspondente.

5.4. Con carácter posterior á firma do convenio, a federación estará suxeita ás seguintes obrigas de carácter xeral e específico:

5.4.1 Obrigas de carácter xeral

a) Executar o obxecto do presente convenio.

b) Facilitar toda a información que lle sexa requirida e someterse ás actuacións de comprobación que efectúe a Secretaría Xeral para o Deporte, así como facilitar toda a información que lle sexa requirida pola Intervención Xeral da Comunidade Autónoma, no exercicio das súas funcións de fiscalización e control do destino das subvencións. Así mesmo, e de acordo co previsto na Lei 6/1985, de 24 de xuño, do Consello de Contas de Galicia, modificada pola Lei 8/2015, do 7 de agosto, e no Texto refundido da Lei de réxime financeiro e orzamentario de Galicia, aprobado polo Decreto legislativo 1/1999, do 7 de outubro, para a prevención da corrupción, a federación queda sometida aos procedementos de fiscalización que leven a cabo o Consello de Contas de Galicia e, se fose o caso, segundo o previsto na Lei orgánica 2/1982, do 12 de maio, do Tribunal de Contas, aos procedementos de axuízamento contable que poida incoar o Tribunal de Contas, e a calquera outro órgano de control nacional ou europeo.

c) Subministrarlle á Secretaría Xeral para o Deporte, en virtude do disposto no artigo 4 da Lei 1/2016 do 18 de xaneiro, logo do requirimento oportuno, toda a información necesaria para o cumprimento pola Secretaría Xeral para o Deporte das obrigas previstas no Título I da citada Lei.

d) Conservar os documentos xustificativos da aplicación dos fondos recibidos, incluídos os documentos electrónicos, para o efecto das actuacións de comprobación e control.

e) Dispoñer dos libros e rexistros debidamente dilixenciados que establece o art. 55 da Lei 3/2012 do 2 de abril.

f) Presentar antes do 30 de xullo do 2017 no Rexistro de Entidades Deportivas, as contas anuais da federación formadas polo balance de situación, a conta de resultados e a memoria económica así como a memoria descritiva das actividades realizadas no exercicio económico 2016 (artigo 37 do Decreto 85/2014 polo que se aproba o Regulamento do Rexistro de Entidades Deportivas).

g) Asegurar a presenza da Secretaría Xeral para o Deporte en termos publicitarios. Incluír a identidade corporativa da Secretaría Xeral para o Deporte en toda a publicidade que realice a federación, sexa por cartelería, a través dos medios de comunicación ou calquera outro soporte utilizado, incluída a internet, para a difusión da súa actividade, facendo fincapé na colaboración da Secretaría Xeral para o Deporte.

5.4.2 Obrigas de carácter específico

a) Velar pola igualdade efectiva entre mulleres e homes así como cumprir o establecido na Lei 19/2007 do 11 de xullo, contra a violencia, o racismo, a xenofobia e a intolerancia no deporte.





b) Colaborar, fomentar e facilitar a participación no deporte das persoas con algunha discapacidade, tal e como se establece no artigo 51 da Lei 3/2012, do 2 de abril.

c) Posibilitar a participación inclusiva de todas as persoas deportistas independentemente da súa raza, inclinación sexual, ideoloxía, sexo, discapacidade, relixión e nivel de rendemento, con especial atención nas actuacións correspondentes ao programa de deporte en idade escolar.

d) Velar polo cumprimento das normas fixadas polas autoridades en materia de prevención e loita contra a dopaxe no deporte.

e) Velar polo cumprimento das normas fixadas polas autoridades en materia de loita contra a violencia no deporte.

f) Fomentar a posta en práctica de medidas encamiñadas á prevención de accidentes.

g) Garantir os dereitos lingüísticos de todas as persoas, empregando o galego e o castelán nas súas comunicacións.

Sexta.- Pagamento.

O artigo 63 do Decreto 11/2009, de 8 de xaneiro, prevé achegas anticipadas como financiamento necesario para poder levar a cabo as actuacións inherentes á subvención. O pagamento realizarase da seguinte forma:

a) Un primeiro pago, dun cincuenta por cento (50%) da contía total da subvención, tramitarase no momento da sinatura do convenio.

b) Un segundo pago, equivalente ao cincuenta por cento (50%) restante, librarase unha vez xustificado o primeiro anticipo, que se deberá realizar con data límite 30 de xullo de 2017. O segundo pago xustificarse con data máxima o 31 de decembro de 2017.

Sétima.- Xustificación da subvención.

7.1. Lugar de presentación.

A presentación será obrigatoriamente por medios electrónicos a través do formulario normalizado, con código PR004A, dispoñible na sede electrónica da Xunta de Galicia, <https://sede.xunta.gal> e dirixido á Secretaría Xeral para o Deporte. Este formulario estará dispoñible para a presentación electrónica de solicitudes, escritos e comunicacións que non contén cun sistema electrónico específico nin cun modelo electrónico normalizado, dirixidos a calquera órgano, servizo ou unidade da Administración xeral e do sector público autonómico de Galicia.

Se algunha das persoas interesadas entrega a súa solicitude presencialmente, requiriráselle para que realice a súa presentación electrónica. Para estes efectos, considerarase como data de presentación da solicitude aquela na que fose realizada a súa presentación electrónica.

Para a presentación das contas auditadas poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).

7.2. Prazos de xustificación.



De acordo co artigo 45 do Decreto 11/2009, de 8 de xaneiro, a federación deberá presentar ante a Secretaría Xeral para o Deporte a xustificación do 1º e 2º pagamentos nos prazos fixados na cláusula anterior, e dicir, a xustificación do primeiro pago antes do 30 de xullo de 2017 e a do segundo antes do 31 de decembro de 2017.

Despois de que transcorran estes prazos sen que presentase a xustificación correspondente na Secretaría Xeral para o Deporte, requirirase ao beneficiario para que no prazo improrrogable de dez días presente a referida documentación. A falta de presentación da xustificación neste prazo levará consigo a perda do dereito ao cobro total ou parcial da subvención, a esixencia de reintegro e demais responsabilidades establecidas na Lei 9/2007, de 13 de xuño.

7.3. Documentación que se debe entregar:

7.3.1 Na xustificación do primeiro pagamento a federación deberá presentar a seguinte documentación:

- a) Anexo III.- Relación de documentos e declaracións para o cobro do 2º anticipo.
- b) Anexo IV.- Relación clasificada dos gastos e investimentos realizados. Esta relación irá acompañada dos convenios de colaboración establecidos en cada unha das probas así como da correspondente xustificación de gastos realizada pola entidade organizadora da proba que deberá achegarlle á federación unha relación da totalidade dos gastos realizados.
- c) Esta xustificación irá acompañada dunha certificación por parte do secretario da entidade, co visto e prace do presidente, onde se recollan a relación de facturas destinadas a gastos de seguridade, dando cumprimento o establecido na cláusula 5 apartado 2 do convenio.
- d) Facturas, con xustificación bancaria de que os pagamentos estean realizados cos requisitos esixidos no artigo 42.2 do Decreto 11/2009, de 8 de xaneiro. Para a súa consideración como subvencionable, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados.
- e) Anexo VI.- Certificación de estar cumprindo, así como manter durante todo o período de vixencia do convenio, o establecido na Lei 19/2013, de 9 de decembro, e na Lei 1/2016, do 18 de xaneiro, a través da inclusión na web federativa da totalidade desta información.
- f) Memoria económica explicativa de cada un dos gastos presentados nesta xustificación.
- g) Acreditación do cumprimento da aplicación pública da imaxe corporativa da Secretaría Xeral para o Deporte mediante a achega dos documentos gráficos nos que quede constancia.

7.3.2 Na xustificación do segundo pagamento, con anterioridade ao 31 de decembro, a federación deberá presentar a seguinte documentación:

- a) Anexo V.- Relación de documentos e declaracións para a xustificación do segundo pago.
- b) Anexo IV.- Relación clasificada dos gastos e investimentos realizados. Esta relación irá acompañada dos convenios de colaboración establecidos en cada unha das probas así como da correspondente xustificación de gastos realizada pola entidade organizadora da proba, que deberá achegarlle á federación unha relación da totalidade dos gastos realizados.





Esta xustificación irá acompañada dunha certificación por parte do secretario da entidade, co visto e prace do presidente, onde se recolla a relación de facturas destinadas a gastos de seguridade, dándolle cumprimento ao establecido na cláusula 5 apartado 2 do convenio.

c) Anexo VI.- Certificación de estar cumprindo, así como manter durante todo o período de vixencia do convenio, o establecido na Lei 19/2013, de 9 de decembro, e na Lei 1/2016, do 18 de xaneiro, a través da inclusión na web federativa da totalidade desta información.

d) Facturas, con xustificación bancaria de que os pagamentos estean realizados cos requisitos esixidos no artigo 42.2 do regulamento de subvencións de Galicia, aprobado polo Decreto 11/2009, de 8 de xaneiro. Para a súa consideración como subvencionable, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados.

e) Memoria económica explicativa de cada un dos gastos presentados nesta xustificación.

f) Acreditación do cumprimento da aplicación pública da imaxe corporativa da Secretaría Xeral para o Deporte mediante a achega dos documentos gráficos nos que quede constancia.

7.4. De conformidade co establecido no artigo 42.3 do regulamento de subvencións de Galicia, aprobado polo Decreto 11/2009, de 8 de xaneiro, para o caso de importes inferiores á 1.000 €, as facturas orixinais, ou fotocopias compulsadas, e as xustificacións bancarias, poderán ser substituídas polos recibos do correspondente provedor. Esta posibilidade de xustificación por recibo queda limitada, en todo caso, aos ámbitos das arbitraxes, axudas de custo e quilometraxes.

7.5. No caso de facturas que superen o importe de 9.000 €, deberán achegarse polo menos tres orzamentos de tres empresas diferentes e a xustificación da elección da empresa correspondente. Os orzamentos deberán solicitarse, e estar datados anteriormente á contratación levada a cabo pola federación.

7.6. Para a xustificación económica dos convenios entre a federación e os clubs, escuderías encargadas da organización das probas ás que se destina esta subvención, a federación deberá presentar o convenio asinado, xustificante bancario do pagamento do importe do convenio ao club, e as facturas así como os xustificantes bancarios dos pagamentos feitos polo club para a realización da actividade conveniada ou ben unha factura oficial emitida polo club detallando todas as actividades realizadas e o custo de cada unha delas.

7.7. Os documentos xustificativos de gastos e pagamentos deberán estar datados no período comprendido entre o 1 de xaneiro e o 31 de decembro do 2017.

7.8. Comprobación de datos

Para a tramitación deste procedemento consultarase automaticamente os datos incluídos nos seguintes documentos elaborados polas Administracións públicas:

- DNI o NIE da persoa representante
- NIF da entidade.
- Certificado de estar ao corrente do cumprimento das obrigas tributarias coa AEAT.
- Certificado de estar ao corrente do cumprimento das obrigas fronte á Seguridade Social.
- Certificado de non ter pendente de pago ningunha outra débeda coa Administración Pública da Comunidade Autónoma.



Excepcionalmente, no caso de que algunha circunstancia imposibilitase a obtención dos citados datos poderase solicitarlles ás persoas interesadas a presentación dos documentos correspondentes.

Oitava.- Gastos subvencionables.

No ámbito do presente convenio, terán a consideración de gastos subvencionables os necesarios para levar a cabo o obxecto do presente convenio tendo en conta as obrigas establecidas na cláusula 5, apartado 2.

Serán subvencionables os gastos efectuados entre 1 xaneiro de 2017 e o 31 de decembro de 2017 destinados ao pago dos gastos derivados da organización no ano 2017 dos Rallys detallados na Ficha I (rally, montaña e rallymix).

Novena.- Comisión de seguimento e interpretación.

Para o seguimento do grao de execución do presente convenio e a solución de controversias que a súa interpretación poida motivar, créase unha comisión integrada polos seguintes representantes:

- Tres representantes designados pola Secretaría Xeral para o Deporte.
- Dous representantes da Federación Galega de Automobilismo.

As discrepancias que, elevadas para a súa resolución, non sexan resoltas a satisfacción da parte que a formule, serán sometidas ao coñecemento da xurisdición contencioso-administrativa. Non obstante, as incidencias que se poidan formular en relación coa concesión, xustificación e reintegro da presente subvención deberán ser resoltas pola Secretaría Xeral para o Deporte como órgano competente para a concesión da subvención, de acordo co artigo 7 da Lei 9/2007, de 13 de xuño, e a disposición adicional segunda do Decreto 176/2016, do 15 de decembro, polo que se establecen os órganos superiores e de dirección dependentes da Presidencia da Xunta de Galicia.

Décima.- Vixencia do convenio e causas de resolución .

A vixencia do presente convenio estenderase dende o día seguinte o da súa sinatura ata o 31 de decembro de 2017, salvo denuncia expresa de calquera das partes. Non obstante esta vixencia, enténdense amparados polo presente convenio todos os gastos referidos dende o día 1 de xaneiro de 2017 ata o 31 de decembro do mesmo ano.

Son causas de resolución do presente convenio:

- 1.- O incumprimento total ou parcial do seu clausulado.
- 2.- A imposibilidade de realización das actuacións descritas neste convenio por causas non imputables ás partes.
- 3.- O acordo entre as partes.

Décimo primeira.- Supostos de reintegro.

No caso de que o beneficiario da subvención incumprise o disposto neste convenio, a Secretaría Xeral para o Deporte revogará total ou parcialmente a subvención concedida, logo da audiencia ao interesado.

Procederá o reintegro total ou parcial ao beneficiario das cantidades percibidas e a esixencia dos xuros de mora correspondentes, en aplicación do disposto nos artigos 33 e seguintes da Lei 9/2007, de 13 de xuño. As sancións en caso de incumprimento das obrigas fixadas ao beneficiario son as previstas nos artigos 59, 60 e 61 da citada lei.





Décimo segunda.- Publicidade e rexistro de axudas.

O beneficiario da axuda coñece e consente a inclusión dos seus datos nos rexistros aos que, en virtude da normativa de publicidade á que está sometido o convenio, deberá dárselle publicidade a esta subvención, en concreto, nos rexistros regulados polo Decreto 126/2006, do 20 de xullo, polo que se regula o rexistro de Convenios da Xunta de Galicia e o Decreto 132/ 2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006.

A sinatura deste convenio leva implícito o consentimento expreso de todas as partes para ás obrigas de publicidade impostas pola Lei 1/2016, do 18 de xaneiro.

Décimo terceira.- Datos de carácter persoal

De conformidade coa Lei orgánica 15/1999, do 13 decembro, de protección de datos de carácter persoal, os datos persoais recollidos na tramitación deste procedemento, cuxo tratamento e publicación nos casos en que así o prevé a norma reguladora, autorízen as persoas interesadas mediante a presentación das solicitudes, serán incluídos nun ficheiro denominado "Relacións informativas coa cidadanía e entidades" co obxecto de xestionar o presente procedemento, así como para informar as persoas interesadas sobre o seu desenvolvemento. O órgano responsable deste ficheiro é a Secretaría Xeral para o Deporte. Os dereitos de acceso, rectificación, cancelación e oposición poderanse exercer ante Secretaría Xeral para o Deporte, mediante o envío dunha comunicación ao seguinte enderezo: Subdirección xeral de Plans e Programas, EGAP, Rúa Madrid 2-4, 2º andar, 15781, Santiago de Compostela ou a través dun correo electrónico a programas.deportes@xunta.gal

Décimo cuarta.- Notificacións

14.1. As notificacións de resolucións e actos administrativos practícaranse só por medios electrónicos, nos termos previstos na normativa reguladora do procedemento administrativo común.

14.2. As notificacións electrónicas realizaranse mediante o Sistema de Notificación Electrónica de Galicia – Notifica, dispoñible a través da sede electrónica da Xunta de Galicia (<https://sede.xunta.gal>). Este sistema remitiralles ás persoas interesadas os avisos da posta a disposición das notificacións, mediante un correo electrónico dirixido á conta de correo que conste na solicitude para os efectos de notificación. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

14.3. As notificacións por medios electrónicos entenderanse practicadas no momento en que se produza o acceso ao seu contido. A notificación entenderase rexeitada cando transcorresen dez días naturais desde a posta á disposición da notificación sen que se acceda ao seu contido.

14.4. Se o envío da notificación electrónica non fose posible por problemas técnicos practícarase a notificación polos demais medios previstos na normativa reguladora do procedemento administrativo común.

Décimo quinta.- Trámites administrativos

Todos os trámites administrativos que as persoas interesadas deban realizar durante a tramitación deste procedemento deberán ser realizados electrónicamente accedendo á Carpeta do cidadán da persoa interesada dispoñible na sede electrónica da Xunta de Galicia.



Co obxectivo de manter adaptados á normativa vixente os formularios vinculados a esta disposición, estes poderán ser actualizados na sede electrónica da Xunta de Galicia, sempre que a modificación ou actualización non supoña unha modificación substancial, onde estarán permanentemente actualizados e accesibles para todas as persoas interesadas.

Décimo sexta.- Natureza do convenio, réxime xurídico e xurisdición aplicable.


Este convenio é de natureza administrativa e consecuentemente, as cuestións litixiosas que xurdan na súa aplicación, interpretación e cumprimento serán competencia da xurisdición contencioso-administrativa.

Ao presente convenio seralle de aplicación a normativa administrativa de carácter xeral constituída basicamente pola Lei 39/2015, do 1 de outubro, do procedemento administrativo común das administracións públicas, así como a Lei 40/2015, do 1 de outubro, de réxime xurídico do sector público. Ademais seralle de aplicación a súa normativa específica constituída basicamente pola Lei 38/2003, do 17 de novembro, e o seu Regulamento, aprobado polo Real decreto 887/2006, do 21 de xullo, nos seus preceptos declarados básicos, así como pola Lei 9/2007, do 13 de xuño, e o seu Regulamento, aprobado polo Decreto 11/2009, do 8 de xaneiro.

Este convenio está suxeito ás obrigas de publicidade impostas pola Lei 1/2016, do 18 de xaneiro.


En proba de conformidade asínase este convenio no lugar e data arriba indicados.

A secretaria xeral para o Deporte



Marta Míguez Telle

O presidente da Federación Galega de Automobilismo



Iván Corral Pérez



Ficha I

REPARTO ORZAMENTARIO 2017

RALLYES 2017			
DATA	PROBA	ESCUDEIRÍA	IMPORTE
10-12/02/2017	21º RALLYE DA CORUÑA	ONE SEVEN	7.000,00€
3-5/03/2017	23º RALLYE DO COCIDO	LALÍN-DEZA	8.000,00€
31/3 e 1-2/04/2017	33º RALLYE RÍA DE NOIA	BERBERECHO	7.000,00€
16-18/06/2017	30º RALLYE CIDADE DE NARÓN	SIROCO NARÓN	8.000,00€
7-9/07/2017	14º RALLYE SUR DO CONDADO	SURCO	8.000,00€
22-24/09/2017	6º RALLYE OURENSE-RIBEIRA SACRA	LUIINTRA	7.000,00€
27-29/10/2017	39º RALLYE SAN FROILÁN	MIÑO-LUGO	8.000,00€
17-19/11/2017	10º RALLYE COMARCA DA ULLOA	COMARCA DA ULLOA	7.000,00€
1-3/12/2017	1º RALLYE RÍA DE VIGO	MIXRALLYESPORT	7.000,00€
			SUBTOTAL 67.000,00€
MONTAÑA 2017			
DATA	PROBA	ESCUDEIRÍA	IMPORTE
6/7-05-2017	10ª SUBIDA STA. Mª DE OIA	BM	3.500,00€
3/4-06-2017	5ª SUBIDA A PONTENOVA	A PONTENOVA	3.500,00€
24/25-06-2017	20ª SUBIDA A PONTEVEDRA	CIDADE DE PONTEVEDRA	3.500,00€
15/16-07-2017	44ª SUBIDA A CHANTADA	CHANTADA	3.500,00€
29/30-07-2017	4ª SUBIDA AS PONTES	AUTOMOBIL CLUB AS PONTES	1.000,00€
12/13-08-2017	2ª SUBIDA A PONTECALDELAS	BUXA MOTOR POIO	2.000,00€
26/27-08-2017	1ª SUBIDA CERCEDO-COTOBADE	CIDADE DE PONTEVEDRA	1.000,00€
16/17-09-2017	1ª SUBIDA A ESCUSA-POIO	BUXA MOTOR POIO	2.000,00€



7/8-10-2017	23ª SUBIDA A ESTRADA	ESTRADENSE	2.000,00€
			SUBTOTAL 22.000,00€
RALLYMIX 2017			
DATA	PROBA	ESCUDEIRÍA	IMPORTE
11/12-03-2017	1º RALLYMIX CUNTIS VILA TERMAL	CUNTIS V.T.	2.000,00€
3/4-06-2017	4º RALLYMIX DA GUDIÑA	HC COMPETICIÓN	2.125,00€
1/2-07-2017	2º RALLYMIX DE MORAÑA	MORAÑA-CUNTIS V.T.	2.000,00€
2/3-09-2017	2º RALLYMIX DE PIÑOR	MIXRALLYSPORT	2.000,00€
30/09-1/10-17	3º RALLYMIX TERRA DE XALLAS	HC COMPETICION AMIGOS DO MOTOR	2.125,00€
14/15-10-2017	2º RALLYMIX DE TOURO	TOURO MOTOR	2.125,00€
11/12-11-2017	4º RALLYMIX DE BARBADAS	BARBADAS	2.125,00€
			SUB-TOTAL 14.500,00€

TOTAL	103.500,00 €€
--------------	----------------------





ANEXO I

PROCEDEMENTO	CÓDIGO DO PROCEDEMENTO	DOCUMENTO
CONVENIO DE COLABORACIÓN ENTRE A SECRETARÍA XERAL PARA O DEPORTE E A FEDERACIÓN GALEGA DE AUTOMOBILISMO PARA A ORGANIZACIÓN DOS CAMPIONATOS GALEGOS DE RALLYS NO ANO 2017	PR004A	SOLICITUDE

DATOS DA ENTIDADE					
RAZÓN SOCIAL					NIF
TIPO	NOME DA VÍA	NUM	BLOQ	PISO	PORTA
PARROQUIA			LUGAR		
CÓDIGO POSTAL	PROVINCIA	CONCELLO	LOCALIDADE		
TELÉFONO	FAX	CORREO ELECTRÓNICO			

E, NA SÚA REPRESENTACIÓN			
NOME	PRIMEIRO APELIDO	SEGUNDO APELIDO	NIF
EN CALIDADE DE			

DATOS PARA EFECTOS DE NOTIFICACIÓN	
Notifíquese a:	<input checked="" type="checkbox"/> Persoa representante
Todas as notificacións ás persoas interesadas realizaranse só por medios electrónicos a través do Sistema de Notificación Electrónica de Galicia Notifica.gal, https://notifica.xunta.gal . Só poderán acceder á notificación co certificado electrónico asociado ao NIF da persoa indicada. Enviaranse avisos da posta a disposición da notificación ao correo electrónico ou teléfono móbil facilitados a continuación:	
TELÉFONO MÓBIL	CORREO ELECTRÓNICO

DATOS BANCARIOS	
Declaro baixo a miña responsabilidade que son certos os datos consignados relativos á conta bancaria indicada.	
TITULAR DA CONTA	NÚMERO DA CONTA BANCARIA (24 DÍXITOS)
	IBAN



ANEXO III

RELACIÓN DE DOCUMENTOS E DECLARACIÓN PARA O COBRO DO 2º ANTICIPO

DATOS DA ENTIDADE	
RAZÓN SOCIAL	NIF

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)			
NOME	PRIMEIRO APELIDO	SEGUNDO APELIDO	NIF
EN CALIDADE DE			

A PERSOA REPRESENTANTE SOLICITA
 O cobro do 2º anticipo por importe de **52.500 €**, equivalente ao **50 %** restante do total do Convenio.

A PERSONA REPRESENTANTE DECLARA:

1. Que a subvención total concedida con cargo ao Convenio asinado foi de **105.000 €**
2. Que no momento da sinatura do Convenio recibiu como 1º anticipo a cantidade de **52.500 €**, equivalente ao **50 %** do importe total.
3. Que en relación con outras axudas concedidas ou solicitadas:
 - Non solicitou nin se lle concedeu ningunha outra axuda para este mesmo proxecto ou conceptos.
 - Si se solicitou e/ou se lle concederon outras axudas para este mesmo proxecto ou conceptos, que son as que a continuación se relacionan:

ORGANISMO	IMPORTE
4. Que todos os datos contidos nesta solicitude e nos documentos que se achegan son certos.
5. Que a entidade non está incurso en ningunha das circunstancias previstas no artigo 13 da Lei 38/2003, de 17 de novembro, xeral de subvencións.
6. Que a entidade non está incurso en ningunha clase de inhabilitación para a obtención de axudas previstas nos apartados 2 e 3 do artigo 10 da Lei 9/2007, de 13 de xuño, de subvencións de Galicia.
7. Que a entidade está ao día no pago de deberes por reintegro de subvencións, conforme ao artigo 10.2.g da Lei 9/2007, de 13 de xuño, de subvencións de Galicia, e o artigo 9 do Regulamento de subvencións de Galicia, aprobado polo Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia.
8. Todas as persoas vinculadas á federación con motivo do desenvolvemento do programa de fomento e promoción da modalidade deportiva no ano 2017 que estean en contacto con menores, están en posesión do certificado negativo do Rexistro Central de Delinquentes Sexuais (en cumprimento do artigo 13 da Lei Orgánica 1/1996 de 15 de xaneiro, de Protección xurídica do menor, modificado pola Lei 26/2015 de 28 de xullo, de modificación do sistema de protección á infancia e á adolescencia).

DOCUMENTACIÓN QUE SE PRESENTA

- Relación clasificada de gastos por importe de _____ € (anexo IV)
- Facturas do gasto incorrido, así como os documentos bancarios acreditativos do seu pago.
- Memoria económica explicativa de cada un dos gastos presentados.
- Acreditación do cumprimento da aplicación pública da imaxe corporativa da Secretaría Xeral para o Deporte, mediante a presentación da documentación gráfica correspondente.
- Relación inventariada do material deportivo da federación, indicando uso, estado de conservación e localización do mesmo (anexo II).
- Plan Director da Instalación

SINATURA DA PERSONA REPRESENTANTE

Lugar e data _____, de _____ de _____

Secretaría Xeral para o Deporte



**ANEXO V****RELACIÓN DE DOCUMENTOS E DECLARACIÓN PARA A XUSTIFICACIÓN DO SEGUNDO PAGO**

DATOS DA ENTIDADE	
RAZÓN SOCIAL	NIF

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)			
NOME	PRIMEIRO APELIDO	SEGUNDO APELIDO	NIF
EN CALIDADE DE			

A PERSONA REPRESENTANTE DECLARA:

- Que a subvención total concedida con cargo ao Convenio asinado foi de _____ €
- Que no momento da sinatura do Convenio recibiu como 1º anticipo a contía de _____ €, equivalente ao ____ % do importe total.
- Que xustificado en tempo e forma o 1º anticipo recibiu o 2º anticipo por importe de _____ €, equivalente ao ____ % restante do total do Convenio
- Que todos os datos contidos neste e nos demais documentos que se achegan son certos.


DOCUMENTACIÓN QUE SE PRESENTA

- Relación clasificada de gastos por programas por importe de _____ € (anexo IV)
- Facturas do gasto incorrido, así como os documentos bancarios acreditativos do seu pago.
- Memoria económica explicativa de cada un dos gastos presentados relacionándoos coas actividades deportivas realizadas.
- Acreditación do cumprimento da aplicación pública da imaxe corporativa da Secretaría Xeral para o Deporte, mediante a presentación da documentación gráfica correspondente.

SINATURA DA PERSOA REPRESENTANTE

Lugar y data

 | | de | de | | |



Secretaría Xeral para o Deporte





ANEXO VI

CERTIFICACIÓN

Don

Secretario da Federación Galega de

CERTIFICA:

Que na páxina web da Federación Galega de Automobilismo existe un apartado denominado "Transparencia" onde consta, polo menos, a seguinte información:

1. Información institucional, organizativa e de planificación

- a. Funcións: As federacións deportivas galegas son entidades privadas sen ánimo de lucro que, xunto as funcións que lle son propias polo seu ámbito de actuación privada, exercen por delegación funcións públicas delegadas (art. 51.4 da Lei 3/2012, de 2 de abril, do deporte de Galicia). As funcións ás que se deberá dar publicidade son as que se especifican no art. 56 da Lei do Deporte de Galicia, e recollidas tamén nos respectivos Estatutos federativos.
- b. Normativa aplicable:
 - Lei 3/2012, de 2 de abril, do deporte de Galicia, ou norma que a substitúa.
 - Decreto 85/2014, do 3 de xullo, polo que se aproba o Regulamento do Rexistro de Entidades Deportivas de Galicia, ou norma que a substitúa.
 - Orde do 8 de setembro de 2010 pola que se establecen os criterios para a elaboración de regulamentos e a realización dos procesos electorais nas federacións deportivas galegas, ou norma que a substitúa.
 - Resolución do 8 de setembro de 2009, da secretaria xeral para o Deporte, pola que se ditan as Normas de bo goberno das federacións deportivas de Galicia, ou ou norma que a substitúa.
 - Resto de normativa aplicable ás federacións deportivas que se aprrobe, así como a propia de cada entidade (Estatutos, Regulamentos, etc.)
- c. Estrutura organizativa: Organigrama actualizado que identifique aos responsables dos distintos órganos federativos, así como o perfil e traxectoria profesional (currículo profesional) dos integrantes dos mesmos.

2. Información económica, orzamentaria e estatística

- a. Relación de contratos suscritos cunha Administración pública con indicación de: obxecto e duración; importe de licitación e adjudicación; procedemento de celebración; no seu caso, instrumentos a través dos cales se publicitou; número de licitadores no procedemento; identidade do adjudicatario; no seu caso, modificacións do contrato, decisións de desistimento e renuncia dos contratos; e, finalmente, porcentaxe total do contrato sobre o orzamento total da federación. Se os contratos tiveran unha duración inferior a un ano e os seus importes foran inferiores a 50.000 euros, cando se trate de contratos de obras, ou a 18.000 euros cando se trate doutros contratos, a información poderá cumprimentarse trimestralmente.
- b. Relación de convenios suscritos cunha Administración Pública, indicándose: partes asinantes, obxecto e duración, modificacións realizadas, partes obrigadas á realización das prestacións e, no seu caso, obrigas económicas convidadas. Neste apartado informarase tamén das subcontratacións que se realicen con mención dos adjudicatarios, procedemento seguido para a adjudicación e importe da mesma.
- c. Subvencións e axudas concedidas pola entidade ou recibidas dunha Administración pública, con indicación do seu importe, obxectivo ou finalidade, e beneficiarios.
- d. Orzamentos federativos, con descrición das principais partidas e información actualizada e comprensible sobre o seu estado de execución.
- e. Contas anuais aprobadas pola Asemblea, informes de auditoría de contas, e informes de fiscalización complementarios que existan.
- f. Retribucións anuais (soldos e dietas) dos máximos responsables federativos: Presidente/a, Secretario/a, Xerente, Tesoureiro/a, Director/a Técnico/a e demais membros dos órganos da Federación que perciban retribucións. Igualmente, faranse públicas as indemnizacións percibidas, no seu caso, con ocasión do abandono do cargo.

E para que conste, expido o presente certificado,

En _____ a _____ de _____ de 2017

O Secretario

Visto bo do Presidente

